

Dr. Musli Vërbani

**BESIMI NË LIBRAT E ZOTIT
XH.SH.**

Kaçanik, 2016

Planprogrami i muslimanit të vogël

Autori:

Dr. Musli VËRBANI

Titulli:

BESIMI NË LIBRAT E ZOTIT

Të drejtën e ribotimit e rezervon botuesi

DUA QË MUSLIMANI TË JETË:

1.	A tdhetar	19.	N dihmëtar i të varfërve
2.	B esimtar i sinqertë	20.	N jerëzor dhe Humanitar
3.	C ilësor	21.	O bjektiv
4.	Ç lirimtar	22.	i P a thyeshëm si shkëmb
5.	i D ashur për të gjithë	23.	i Q ëndrueshëm si Feniksi
6.	i D himbshëm për çdo kënd	24.	R evolucionar
7.	E dukues i shoqërisë	25.	R regullues i marrëdhënieve shoqërore
8.	i Ë mbël në biseda	26.	S imbol dhe sypatrembur
9.	F alënderues i Allahut	27.	Sh ëmbëlltyrë për të tjerët
10.	i G ëzuar dhe i lumtur	28.	T ejpamës i problemeve
11.	G jenerator i të mirave	29.	i Th jesht dhe modest
12.	H ero në beteja	30.	U dhërrëfyes për në rrugën e drejtë
13.	Ideator i zgjedhjes së problemeve	31.	V ullnetmirë i shoqërisë
14.	J etik i veprave të mira	32.	X ixëllonjë i shpresave
15.	K reator	33.	Xh evahir
16.	i L umtur	34.	Y ll
17.	L logaritar i veprave të tij	35.	Z emërbutë
18.	M ënjauës i të këqijave	36.	Zh dukës i të keqes dhe zhvillues i të mirës

**Lutju Zotit dhe thuaj: “O Zoti im
shtoma diturinë.”**

Kur'an

***“O Zoti im më pajis me dituri të dobishme, më jep
furnizim të begatshëm,
mi prano veprat e mia.”***

Hadith

(شَهِدَ اللَّهُ أَنَّهُ لَا إِلَهَ إِلَّا هُوَ وَالْمَلَائِكَةُ وَأُولُوا الْعِلْمِ قَانِمًا بِأَلْقِطِ
لَا إِلَهَ إِلَّا هُوَ الْعَزِيزُ الْحَكِيمُ).

“Allahu dëshmoi dhe vërtetoi se nuk ka zot tjetër përveç Tij, e dëshmuar edhe engjëjt e dijetarët, dhe se Ai është zbatues i drejtësisë. Nuk ka zot përveç Tij Fuqplotit e të Urtit”. (Ali Imran, 18)

(لَقَدْ جَاءَكُمْ رَسُولٌ مِّنْ أَنْفُسِكُمْ عَزِيزٌ عَلَيْهِ مَا عَنِتُّمْ حَرِيصٌ عَلَيْكُمْ
بِالْمُؤْمِنِينَ رَءُوفٌ رَّحِيمٌ).

**“Juve ju erdhi i dërguar nga lloji juaj, atij i vjen rëndë për vuajtjet tuaja, sepse është lakmues i rrugës së drejtë për ju, është i ndjeshëm dhe i mëshirshëm për besimtarët”. (Et-
Tevbe : 128)**

Hyrje

Nga Umeri radijallahu anhu, transmetohet se ka thënë:

“Një ditë ishim duke ndenjur te i Dërguari i Allahut s.a.v.s., kur u duk një njeri me rroba shumë të bardha dhe flokë shumë të zeza. Në të nuk hetoheshin shenjat e udhëtimit dhe askush prej nesh nuk e njohëm. U ul pranë të Dërguarit, s.a.v.s. duke i mbështetur gjunjët e vet mbi gjunjët e tij, i vendosi duart e veta mbi kofshën e tij dhe pyeti:

O Muhamed, më trego ç’është Islami? Muhamedi a.s. iu përgjigj:

Islami është: - të dëshmosh se nuk ka zot tjetër përveç Allahut dhe se Muhamedi është i dërguar i Zotit,

- *të falësh namazin,*
- *ta japësh zekatin,*
- *ta agjërosh ramazanin,*
- *ta kryesh haxhin në Kabe, nëse ke mundësi.*

Ai pohoi: **Të vërtetën e the.** Ne u çuditëm! Po e pyet dhe po ia vërteton. Pastaj pyeti: Më trego çka është Imani? Muhamedi a.s. iu përgjigj: - ***Imani është të besosh Zotin,***

- *Melekët e Tij,*
- *Librat e Tij,*
- *Të dërguarit e Tij,*
- *Ditën e fundit,*
- *Të besosh në të caktuarit e Tij, të mirës dhe të keqes.* Ai pastaj

tha: **Të vërtetën e the.**

- Më trego ç’është Ihsani-Mirësia?
- Muhamedi a.s. iu përgjigj:
- *Ta adhurosh Zotin sikur e sheh Atë, sepse, edhe pse ti nuk e*

sheh Atë, Ai vërtetë të sheh ty. Pastaj pyeti: Ç’është çasti i Kijametit?

Muhamedi a.s. iu përgjigj: ***Për këtë i pyeturi nuk di më shumë se ai i cili pyet.*** Më trego mbi shenjat e tij. Muhamedi a.s. iu përgjigj:

- *Kur robëresha t’i lind vetes zonjushë.*
- *Kur të shihen barinjtë këmbëzbathur, të zhveshur e të mjerë se si garojnë në ndërtimin e godinave të mëdha.* Pastaj shkoi kurse unë mbeta i habitur, e Muhamedi a.s. tha: - ***O Umer a e njohe atë që më pyeti.*** Allahu dhe i Dërguari i Tij e dinë më së miri - iu përgjigja.

Muhamedi a.s. tha: ***Vërtet ky ishte Xhibrili, erdhi tua mësojë fenë tuaj.***” (MUSLIMI)

KAPITULLI I PARË

“Njerëzit ishin një popull (të fesë së natyrshme, islame), e (kur u përçanë) Allahu dërgoi peygamberët përgëzues dhe qortues, dhe atyre Ai u zbriti edhe librin me fakte të sakta për të gjykuar në atë që u kundërshtuan ndërmjet veti.” (EL-BEKARE : 213)

TEVRATI

TEVRATI është Libër i Zotit i cili i ka zbritur **Musait** a.s. Zoti i Lartmadhëruar në Kur'anin fisnik thotë:

“Vërtet Ne e kemi zbritur Tevratin, në të cilin ka udhëzim e dritë” (EL-MAIDE, 44)

Pasi Musai a.s. e shpëtoi popullin e vet prej Firaunit, u premtoi atyre t'u sillte një libër prej Zotit të Lartmadhëruar. Musai a.s. shkoi në kodrën Turi Sina, aty agjëroi dyzetë ditë, pastaj bisedoi me Zotin xh.sh. dhe i zbriti Tevrati.

Këtë ngjarje Zoti i Lartmadhëruar e tregon në Kur'an:

“Dhe Ne i caktuam Musait tridhjetë net (afatin për shpallje), e ato i plotësuam edhe me dhjetë (net të tjera) dhe kështu u mbush afati për takim me Zotin e tij në dyzetë net ...”. (EL-EARAF, 142)

Kur ua solli Tevratin beni-israilëve ata thanë se urdhrat e Zotit në Tevrat qenkëshin të rënda dhe se nuk do t'i zbatonin, mirëpo Zoti xh.sh. e ngriti kodrën “Tur” mbi ta dhe u tregoi se nëse nuk i përmbaheshin ligjeve të Tevratit kodra “Tur” do të shembej e do të binte mbi ta.

Këtë e tregon Kur'ani:

“(Përkujtoni) Kur Ne patëm marrë prej jush besën tuaj, ngritëm mbi ju (kodrën) Turin (e ju thamë): Veproni sipas atij (Tevratit) që jua dhamë me seriozitet, e mësoni atë që është në të, ashtu që të ruheni.

E pas asaj (besës) ju më vonë ia kthyet shpinën e po të mos ishte mirësia dhe mëshira e Allahut ndaj jush, ju do të ishit prej të dëshpëruarve (në të dy jetët)”. (EL-BEKARE, 63-64)

Jehudët i ka mallkuar Zoti pse e kanë thyer betimin, i kanë ndryshuar fjalët e Zotit dhe e kanë deformuar Tevratin.

Po ashtu edhe këtë e tregon Zoti i Lartmadhëruar në Kur'an:

“Për shkak se ata thyen zotimin e tyre, Ne i mallkuam ata, dhe zemrat e tyre i bëmë të forta (të shtangura). Ata i shtrembërojnë fjalët (në Tevrat) nga domethënia e tyre dhe braktisën një pjesë me të cilën ishin urdhëruar. Ti vazhdimisht do ta vëresh tradhtinë e një pjese të tyre, përpos një pakice nga ata ...”. (EL-MAIDE, 13)

Pyetje:*Cilit pejgamber i ka zbritur Tevrati dhe trego ajetin Kur'anor që shpjegon këtë?*

1. *Si e pritën beni Israilët zbritjen e Tevratit?*
2. *Pse i ka mallkuar Zoti xh.sh. Jehudët?*

TEVRATI I SOTËM

Tevrati i sotëm apo siç quhet “**TORA**” (Testamenti i vjetër) është dhjata (epoka) e vjetër e Biblës.

“TORA” ka pesë kapituj, e ata janë:

1. Librat e Krijimit (TEKVIN)
2. Eksodi (HURUÇ)
3. Levistika (LEVILIER)
4. Numrat (SAJILAR)
5. Ligji i përsëritur (TESNIJE)

Komentimi i Tevratit apo libri i cili përmban informacione dhe shpjegime për Tevratin e Musait a.s. quhet **TALMUD**.

Sot gjenden dy TALMUDA, e ata janë:

TALMUDI i Jerusalemit

TALMUDI i Babilonit.

Përsëritja e Tevratit (Torës) quhet **Mishna**.

Mësimi, komentimi i Tevratit (TORËS) quhet TALMUD.

Pyetje:

1. Çka është “TORA”?
2. Sa kapituj ka “Tora”?
3. Si quhet komentimi i Tevratit?
4. Sa Telmuda kemi sot?
5. Si quhet përsëritja e Tevratit?

ZEBURI

ZEBURI është libër i Zotit i cili i ka zbritur **Davudit a.s.**
Zoti i Lartmadhëruar në Kur'an thotë:

“Dhe Ne ia kemi shpallur Davudit Zeburin”. (En-Nisa, 163)

Zebur domethënë **libër**.

Davudi a.s. u është dërguar beni israilëve pas Musait a.s. Ai vepronte sipas ligjeve të Tevratit, e Zeburi i ka zbritur veç si libër për dashurinë e njerëzve për Zotin dhe për t'u lutur.

Zeburi ka zbritur në gjuhën abranije. Davudi a.s. kishte zë të bukur. Kur këndonte Zebur, uji heshte e nuk gurgullonte, mali e kodrat dëgjonin, egërsirat e shpendët ndaleshin e dëgjonin. Po ashtu, era ndalej e nuk fishkëllente.

Pesëqind vjet pas Davudit a.s., njëqind poet të ndryshëm anonim ia bashkëngjitën vjershat dhe poezitë e tyre Zeburit. Ato vjersha a psalme nuk janë ai Zeburi për të cilin flet Ku'ani. Kështu, në librin e shenjtë (Dhjatën) janë 150 psalme.

Psalme quhen ato vargje poetike të cilat këndohen të shoqëruar me instrument.

Shtatëdhjetë psalme i janë kushtuar posaçërisht Davudit a.s.

Pyetje:

1. *Cilit peygamber i është zbritur Zeburi?*
2. *Çka ndodhte kur Davudi a.s. këndonte Zebur?*
3. *Çka quajmë Psalme?*

INXHILI

Ditën që lindi Isa a.s. i tha popullit të vet: Unë jam rob i Allahut! Ai ka caktuar të më japë libër (INXHILIN) e të më bëjë pejgamber.

Kur Isa a.s. i mbushi tridhjetë vjet iu zbrit Inxhili.

Isa a.s. u dërgua pejgamber për të vërtetuar librin e Musait a.s. Tevratin dhe ardhjen e pejgamberit tonë Muhamedit a.s.

Zoti i Madhëruar këtë e tregon në Kur'anin fisnik:

“Dhe, kur Isai, biri i Merjemes, tha: O të bijtë e Israelit, unë jam i dërguari i Allahut te ju, jam vërtetues i Tevratit që ishte para meje dhe përgëzues për një të dërguar që do të vijë pas meje, emri i të cilit është Ahmed”. (SAFF, 6)

Zoti i Lartmadhëruar po ashtu në Kur'an tregon kështu:

“Ne vazhduam gjurmët e tyre (të Pejgamberëve) me Isain, birin e Merjemes, vërtetues i Tevratit që kishin më parë. Atij i dhamë inxhilin, që është udhëzim i drejtë dhe dritë, që ishte vërtetues i Tevratit që kishin pranë që ishte udhëzues e këshillues për të devotshmit”.(EL-MAIDE, 46)

Mirëpo beni Israilët nuk e kanë zbatua as Tevratin, as Inxhilin e nuk dëshirojnë ta zbatojnë as Kur'anin, ata i kanë pasuar epshtet e veta, ata kanë fshirë, e kanë deformua dhe kanë humbur atë që është zbritur prej Zotit të Madhëruar në Tevrat dhe Inxhilë.

Zoti i Lartmadhëruar në Kur'anin fisnik thotë:

“Dhe, sikur ta zbatonin Tevratin, Inxhilin dhe Kur'anin që u zbritën nga Zoti i tyre, ata do të kishin furnizim me bollëk nga qielli dhe nga toka”. (EL-MAIDE, 66)

Bibla e cila përbëhet prej ungjijve nuk ka lidhje me Inxhilin origjinal i cili i është zbritur Isait a.s.

Një hebre me emrin Pavli, duke shtuar gënjeshttrat e veta ka shkruar ungjij të ndryshëm. Më vonë janë paraqitur shumë e shumë ungjij fals sa që numri i tyre ka arritur deri në tetëqind. Në vitin 313 ungjijtë e tjerë nuk janë pranuar përpos katër prej tyre e ato janë:

1. Ungjilli sipas Lukës
2. Ungjilli sipas Joanit
3. Ungjilli sipas Markut dhe
4. Ungjilli sipas Mateut.

Sot ekziston edhe Ungjilli sipas Bernabës.

Pyetje:

- 1. Çka tha Isai a.s. atë ditën që lindi?*
- 2. Çka rrëfente e çka paralajmëronte Inxhili?*
- 3. Prej çka përbëhet bibla e sotme?*
- 4. Cilët ungjij janë pranuar në vitin 313?*

BIBLA SOT

Sot të krishterët për libër të shenjtë mbajnë biblën.
Bibla përbëhet prej dy dhjatave (epokave) e ato janë:

1. Dhjata e vjetër

- Dhjata e vjetër është libri (Bibla) i cili përfshin epokën para Isait a.s. Gjuha origjinale e saj është hebraishtja.

2. Dhjata e re

- dhjata e re është libri (bibla) i cili përfshinë epokën pas Isa a.s. Gjuha origjinale e tij është greqishtja, por edhe kjo ka qenë më parë në gjuhën hebreishte.
Përpos kësaj, bibla sipas Lukës, Joanit dhe Markut është në gjuhën greke, ndërsa sipas Mateut është në gjuhën hebreishte.

Nga të gjitha këto që i përmendëm më lartë shumë lehtë kuptohet se ajo çka është zbritur prej Zotit të Lartmadhëruar është humbur dhe është zëvendësuar me tregime dhe shkrime të beni-Israilëve. Për këtë Zoti i Lartmadhëruar ka treguar në Kur'an:

“Mjerë (është shkatërrim) për ata që me duart e veta shkruajnë librin, e pastaj thonë: “Ky është prej Allahut”!, e për të arritur me te një fitim të paktë, mjerë për ata çka shkruan duart e tyre dhe mjerë për ta për atë çka fitojnë”. (EL-BEKARE, 79)

Pyetje:

1. *Prej sa dhjatash përbëhet bibla?*
2. *Çka tregon Kur'ani për ata të cilët e shkruajnë librin vetë dhe thonë: “Ky është libër i Zotit”?*

SUHUFET

Përpos katër librave: Tivrati, Zeburi, Inxhili dhe Kur'ani, Zoti i Lartmadhëruar ka zbritur edhe libra të tjerë të cilët quhen “SUHUFË”.

SUHUFË quhen fletushkat apo broshurat.

Kur'ani i përmend “SUHUFET” – broshurat e Ibrahimit a.s. dhe këshillat të cilat kanë qenë në ato Suhufe apo broshura.

Në Kur'an Zoti i Lartmadhëruar tregon kështu:

“Ka shpëtuar ai që është pastruar.

Që e përkujton madhërinë e Zotit të vet dhe falet. Po ju po i jepni përparësi jetës së kësaj bote.

E dihet se jeta e botës tjetër është më e dobishme dhe e përjetshme.

Vërtet, kjo (këshillë) gjendej edhe në broshurat e para:

Në broshurat e Ibrahimit dhe të Musait”.(EL-EALA, 14-19)

Pyetje:

- 1. Përpos katër librave a ka zbritur Zoti xh. sh. Libra të tjerë, dhe nëse po, cilët janë ata?*

KAPITULLI I DYTË

**“Vërtet Ne e kemi zbritur Kur’anin dhe vërtet Ne do ta ruajmë atë”.
(EL-HIXHR, 9)**

KUR'ANI

PËRKUFIZIM: Fjala “Kur’an” d.m.th. lexim, tubim, grumbullim.

Kur’ani është quajtur me këtë emër sepse në vete ka tubuar, i ka grumbulluar ajetet, suret, urdhëresat, ndalesat, premtimet, kërcënimet etj.

Ndërsa në terminologji është përkufizuar kështu:

“Kur’ani është fjalë e Allahut të Lartmadhëruar e cila i ka zbritur peygamberit të fundit Muhamedit a.s. për të qenë libri i fundit i zbritur prej Allahut për të gjithë njerëzimin”.

Përmbledhja e Kur’anit në volum (në mes të dy koreve të librit) quhet **Mus-haf**. Prandaj Kur’an quhet ajo që lexohet e jo ajo që është e shkruar, ndërsa të shkruarit e Kur’anit në libër quhet **Mus-haf**. Pra “Kur’an” është emërtim mbi bazë leximi dhe “Mus-haf” mbi bazë shkrimi.

Mus-hafi fillon me suretul-**Fatiha**, dhe përfundon me suretun-**Nas**.

Pyetje:

1. Çka d.m.th. Kur’an dhe trego përkufizimin?
2. Çka është Kur’ani e çka Mus-hafi?
3. Me cilën sure të Kur’anit fillon Mus-hafi dhe me cilën përfundon?

EMRAT E KUR'ANIT

Kur'an është emër i përveçëm i Librit të Allahut. Mirëpo përpos këtij emri Zoti i Lartmadhëruar e ka emërtuar edhe me emra të tjerë të cilët tregojnë veçantitë e Kur'anit.

Prej emrave të Kur'anit janë:

1. EL-KITAB

El-Kitab d.m.th. **libër**, sepse libri është vendi ku tubohen shkronjat, e shkronjat formojnë fjalë, e fjalët formojnë fjali. Për këtë Zoti i Lartmadhëruar thotë:

“Ha, Mimë. Pasha Librin e qartë”. (ED-DUHAN, 1-2)

2. EL-FURKAN

El-Furkan d.m.th. **dallues** në mes dy çështjeve e në këtë rast ka për qëllim “dallues i së mirës nga e keqja, dallues i së drejtës nga e padrejta”. Zoti i Lartmadhëruar thotë:

“Qoftë i lartësuar Ai (Allahu) i cili ia ka zbritur FURKANIN (dalluesin e së drejtës nga e padrejta) robit të Tij, për të qenë qortues për gjithë njerëzimin”. (EL-FURKAN, 1)

3. EDH-DHIKR

Edh-Dhikr d.m.th. **Përkujtues**. Zoti i Lartmadhëruar Thotë: **“Ky është dhikri (përkujtuesi) i bekuar”. (EL-ENBIJA, 50)**

4. TENZILË

Et-Tenzilë d.m.th. **Zbritje**. Thotë Zoti i Lartmadhëruar:

“Dhe vërtet kjo është zbritje nga Zoti i botëve. E ka zbritur nëpërmjet shpirtit (Melekut) i cili është besnik”. (ESH-SHUARA, 192-193)

5. EL-VAHJ

El-Vahj d.m.th. **frymëzim, inspirim**. Zoti i Lartmadhëruar thotë:

“Thuaj: “Vërtet unë ua kam tërhequr vërejtjen me vahjin (me inspirimin e Zotit)”. (EL-ENBIJA, 45)

6. EL-KASAS

El-Kasas d.m.th. **tregim** i një realiteti Zoti i Lartmadhëruar thotë:
“Vërtet ky është tregim real dhe i pamohueshëm”. (ALI IMRAN, 62)

7. ERR-RRUH

Err-rruh d.m.th. **shpirt**. Zoti i Lartmadhëruar thotë:
“Dhe Ne kështu të kemi frymëzuar ty me shpirtin (RUHIN) me urdhërin Tonë”. (ESH-SHURA, 52)

Pyetje:

1. Trego për emrat e Kur'anit?

CILËSITË E KUR'ANIT

Kur'ani, libër i Allahut për të gjithë njerëzimin, i ka edhe cilësitë e tij që i ka përshkruar Allahu, e ato janë:

1. **NUR – DRITË.** Kjo është cilësi e veçantë e Kur'anit pse bënë dritë për tërë njerëzimin. Zoti i Lartmadhëruar thotë:
“O ju njerëz ju ka ardhur argument prej Zotit tuaj dhe ne u kemi zbritur juve DRITË të qartë”. (EN-NISA, 174)
2. **MUBINË – I QARTË**
Thotë Zoti i Lartmadhëruar:
“Ta, Sinë. Këto janë ajetet e Kur'anit, (i cili) është libër i qartë”. (EN-NEML, 1)
3. **HAK – I VËRTETË**
Për këtë cilësi Zoti i Lartmadhëruar thotë:
“Ne të zbritëm ty (Muhamed) librin (Kur'anin) me plot të vërteta...”. (EN-NISA, 105)
4. **AZIZË – I FUQISHËM**
Nuk ka dyshim se Kur'ani është libër i Allahut xh.sh. i cili është i fuqishëm me argumente, i fuqishëm në shprehje i fuqishëm në çdo aspekt. Zoti i Lartmadhëruar thotë:
“Vërtet ata të cilët mohojnë në Kur'an pasi u ka ardhur atyre, ndërsa është e vërtetë se Ai (Kur'ani) është libër i fuqishëm (AZIZË)”. (FUSILET, 41)
5. **EL-MEXHIDË – I FAMSHËM**
Për këtë cilësi Zoti i Lartmadhëruar në Kur'an thotë:
“Përkundrazi, Ky është Kur'ani i famshëm (MEXHIDË)”
(EL-BURUXH, 21)

6. EL-ARABIJ

Kur'ani ka zbritur në gjuhën e kulluar dhe të pastër arabe. Zoti i Lartmadhëruar e ka zgjedhur gjuhën arabe që njerëzit të mendojnë, të analizojnë, të logjikojnë dhe të hulumtojnë thellësinë, gjerësinë dhe urtësinë e Kur'anit.

Për këtë Zoti i Lartmadhëruar thotë:

“Ne e kemi zbritur Kur'anin në gjuhën arabe me qëllim që ju të logjikoni dhe mendoni”.

Ndërsa për cilësinë e Kur'anit Zoti i Lartmadhëruar thotë:

“Kur'ani në gjuhën arabe pa kurrfarë të mete apo shtrembërimi me qëllim që ata të frikohen”. (EZ-ZUMER, 28)

7. HUDEN, SHIFAEN, RAHMETEN VE MEVIDHATEN (UDHËZUES, SHËRUES, MËSHIRUES, DHE KËSHILLË)

Të gjitha këto cilësi i ka përshkruar Zoti i Madhëruar në një ajet:

“O ju njerëz! Juve ju erdhi nga Zoti juaj këshilla (Kur'ani) dhe shërimi i asaj që gjendet në krahatorët tuaj (në zemra), edhe udhëzim e mëshirë për besimtarët”. (JUNUS, 57)

Pyetje:

1. Trego për cilësitë e Kur'anit?

ZBRITJA E KUR'ANIT PJESË-PJESË

Planprogrami i shkollës është që nxënësi të mësojë lëndët temata, orë pas ore kështu që në fund të vitit ai ta përmbushë tërë planprogramin. Kjo është metoda më e përshtatshme dhe më e lehta.

Kështu edhe Zoti i Lartmadhëruar ia ka zbritur Muhamedit a.s. Kur'anin pjesë-pjesë, orë pas ore, tematikë pas tematike, ngjarje pas ngjarje. Po ashtu edhe ju nxënës nëse dëshironi ta mësoni Kur'anin përmendësh mund ta mësoni pjesë-pjesë.

Është e vërtetuar se Muhamedit a.s. i është zbritur Kur'ani kryesisht nga pesë ajete. Por është vërtetuar se ndonjëherë i kanë zbritur dhjetë ajete.

Imami Aliju r.a. ka thënë:

“Kur'ani ka zbritur pjesë-pjesë nga pesë ajete përpos suretul EN'AM. Kush e mëson Kur'anin pjesë-pjesë nuk e harron”.

Po ashtu edhe Imami Bejhekiu ka thënë:

“Kur'anin mësojeni nga pesë ajete pse Muhamedit a.s. i ka ardhur Kur'ani prej xhibrilit pjesë-pjesë nga pesë ajete”.

Kur'ani i ka zbritur Muhamedit a.s. për 23 vjet. Prej tyre 13 vjet ajetet e Kur'anit kanë zbritur në Meke prandaj edhe quhen **ajete Mekase**, dhe 10 vjet në Medine prandaj quhen edhe **ajete Medinase**.

Pyetje:

1. Si i ka zbritur Muhamedit a.s. Kur'ani?
2. Pse i ka zbritur Kur'ani Muhamedit a.s. pjesë-pjesë?
3. Për sa vjet ka zbritur Kur'ani?
4. Sa vjet ka zbritur Kur'ani në Meke dhe sa në Medine?

VAHJI – FRYMËZIMI

Vahji në aspektin gjuhësor quhet informimi i shpejt dhe i fshehtë.

PËRKUFIZIM:

Vahj quajmë frymëzimin dhe inspirimin e pejgamberit prej Zotit të Lartmadhëruar në mënyrë të jashtëzakonshme.

Vahji mund të jetë në dy mënyra:

1. Në mënyrë të drejtpërdrejtë.

2. Nëpërmjet Melekut Xhibril.

Mënyra e parë e drejtpërdrejtë është frymëzimi dhe inspirimi nëpërmjet ëndrrave të vërteta. Kjo i ka ndodhur Muhamedit a.s. para fillimit të zbritjes së Kur'anit. Muhamedit a.s. çdo ëndërr që e shihte në gjumë i ndodhte në jetë. Ndërsa forma e dytë e drejtpërdrejtë është të folurit e Allahut me pejgamber pas perde. Kjo i ka ndodhur Musait a.s. Zoti i Lartmadhëruar në Kur'an thotë:

“Allahu i ka folur Musaut me fjalë”. (EN-NISA, 164)

Mënyra e dytë e vahjit nëpërmjet Melekut Xhibril.

Xhibrili i ka ardhur Muhamedit a.s. në dy forma:

- Forma e parë është kur Xhibrili ia ka zbritur Kur'anin nëpërmjet të folurit të tij, e kjo Muhamedit a.s. i ka tingëlluar si formë e ziles. Që d.m.th. të dëgjuarit e Muhamedit a.s. ka kaluar në të dëgjuar të lidhjes me Melekun në formë shpirtërore.
- Forma e dytë është kur Xhibrili i është shndërruar Muhamedit a.s. në formë të njeriut.

Argument për mënyrat e vahjit kemi ajetin Kur'anor:

“Nuk ka asnjë njeri që t'i ketë folur Allahu ndryshe, vetëm se me anën e frymëzimit, ose pas një perdeje, ose t'i dërgojë të dërguar (melek), e ai t'i shpallë me lejen e Tij atë që do Ai. Ai është me i larti, më i urti”. (SHURA, 51)

Pyetje:

1. Trego Përkufizimin e “Vahjit”?
2. Si mund të jetë “Vahji”?
3. Në sa mënyra ndodh vahji i drejtpërdrejtë?
4. Në sa forma i ka ardhur Xhibrili Muhamedit a.s.?
5. Trego argumentin Kur'anor të vahjit?

SURET E KUR'ANIT

Sure d.m.th. ngritje, lartësi e vlerë.

Ndërsa në Kur'an **Sureja** është vendi ku i përfshin të gjitha ajetet në një koleksion.

Disa dijetarë Suren e kanë shëmbëllyer me pjesët e ndërtesës të cilat e formojnë atë.

Duhet kuptuar se Suret e Kur'anit janë quajtur Sure për shkak se e ngrenë vlerën e Kur'anit, për shkak se në të kuptohen e mira dhe e keqja, e lejuara dhe e ndaluara.

- Sureja më e shkurtër e Kur'anit është sureja e cila përbëhet prej tre ajeteve e ajo sure është “**Suretu Kevther**”.

- Sureja më e gjatë është sureja e cila ka më së shumti përmbajtje e ajo është “**Suretul Bekare**”.

Kur'ani përbëhet prej **114** sureve. Sureja e parë e renditur në Kur'an është **Suretul-FATIHA**, ndërsa sureja e fundit është **Suretul-NAS**.

Pyetje:

1. Çka quajmë Sure dhe pse suret e Kur'anit quhen sure?
2. Cila është sureja më e shkurtër dhe cila është sureja më e gjatë e Kur'anit?
3. Prej sa suresh përbëhet Kur'ani?
4. Cila është sureja e parë dhe cila e fundit në Mus-haf?

AJETET E KUR'ANIT

Fjala **ajet** ka tri kuptime:

Kuptimi i parë – ajet është bashkësi e shkronjave. Kuptimi i dytë – ajet është çuditëse, mahnitëse. Kuptimi i tretë – ajet është shenjë, sinjal, argument.

Nëse bashkojmë këto kuptime, përfitohet kuptimi se ajet është bashkësi e shkronjave e cila të habit, të çudit në radhitje, në kuptim, në sistematizim.

Rregullimi i shkronjave të mahnit ngase atë rregullim e ka bërë Zoti i Madhëruar.

Rregullimi i shkronjave në ajete argumenton dhe vërteton pejgamberinë e Muhamedit a.s.

Ajeti më i gjatë në Kur'an është ajeti në suretul Bekare e ai është **ajeti i borxhit**.

Kur'ani përbëhet prej **6236** ajeteve.

Pyetje:

1. Trego për kuptimet e fjalës ajet?
2. Cili është ajeti më i gjatë në Kur'an?
3. Sa ajete ka Kur'ani?

TEMAT E KUR'ANIT

Kur'ani përfshin sistemin dhe organizimin e Islamit, rregullat e posaçme që kanë lidhje me fenë Islame dhe jetën në përgjithësi.

Nuk ka asnjë çështje e cila të ekzistojë e të cilën Kur'ani, për së afërmi, apo për së largu, të mos e ketë zbuluar. Ne do të përmendim disa tematika kryesore:

1. Besimin në Allahun Krijues të gjithësisë, besimin në ringjallje.
2. Nxitjen për hulumtim dhe studim në krijimin e qiejve dhe të tokës.
3. Tregimin e popujve të lashtë.
4. Qortimin ndaj jobesimtarëve për dënim dhe këshillimin e premtimin e shpërblimit besimtarëve.
5. Ligjet juridike dhe kushtetutën njerëzore.

Pyetje:

1. *Trego disa tematika kryesore të Kur'anit?*

QËLLIMI I ZBRITJES SË KUR'ANIT

Qëllimi kryesor i zbritjes së Kur'anit është:

E para:

Që të jetë mrekulli mbinjerëzore e cila të vërtetojë peygamberinë e Muhamedit a.s. dhe transmetimin e misionit të Zotit të Madhëruar.

E dyta:

Që të jetë burim i udhëzimit dhe drejtimit në rrugë të drejtë dhe burim kryesor i sheriatit islam që për çdo çështje të kthehemi te ai. Zoti i Lartmadhëruar thotë:

“Pasoni (bazohuni) atë çka ju është zbritur nga Zoti juaj, e mos pasoni tjetër dashamir përpos Tij”. (EL-EARAF, 3)

E treta:

Qëllimi i Kur'anit ka qenë që të zhdukë fanatizmin dhe racizmin e injorancës. Zoti i Lartmadhëruar thotë:

“O ju njerëz, Ne ju kemi krijuar prej një mashkulli dhe prej një femre dhe ju kemi bërë në popuj dhe fise që të njiheni, ndërsa padyshim më fisniku prej juve tek Allahu është më i devotshmi”. (EL-HUXHURATË, 13)

Pyetje:

1. Trego tri qëllimet kryesore të zbritjes së Kur'anit?

PËRMBLEDHJA E KUR'ANIT

Gjatë kohës së Muhamedit a.s. Kur'anin e kanë shkruar prej banorëve të Mekës derisa ishte në Meke dhe prej banorëve të Medinës derisa ishte në Medine.

Prej shkruesve të Kur'anit në Meke janë:

Ebu Bekri Sidiki,

Othman bin Afan,

Omer bin Hatabi,

Alij bin Ebi Talibi dhe

Zubejr bin el Avam, redijellahu anhum.

Prej shkruesve të Kur'anit në Medine janë:

Zejd bin Thabit,

Halid bin Velidi

Abdullah bin Revaha dhe

Ubej bin Keab, redijellahu anhum.

Muhamedi a.s. i ka pasur shkruesit e Kur'anit të cilët i ka emërua dhe i ka caktua me i shkrua ajetet dhe suret e Kur'anit.

Xhibrili e mësonte Muhamedin a.s. që ajetet t'i vendoste në vende të caktuara dhe t'i radhitë në vende të caktuara.

Në kohën e Ebu Bekri Sidikit i tërë Kur'ani është përmbledhur në mus-haf të cilin e ka ruajtur Ebu Bekri, dhe pas vdekjes së tij e ka marrë atë mus-haf Omeri r.a., dhe pasi ka vdekur ka kaluar mus-hafi tek Hafsa e bija e Omerit, derisa prej saj e ka marrë mus-hafin Othmani r.a. i cili e ka shumëzuar dhe e ka shpërndarë nëpër kryeqendrat Islame.

Pyetje:

1. *Cilët janë shkruesit e Kur'anit në Meke?*
2. *Cilët janë shkruesit e Kur'anit në Medine?*

SURET MEKASE TË KUR'ANIT

Dijetarët u kanë kushtuar rëndësi të posaçme dallimit ndërmjet sureve Mekase dhe Medinase, për këtë arsye edhe i kanë treguar veçantitë e secilit grup.

Veçantitë e sureve Mekase janë:

1. Çdo sure e cila ka sexhde është sure Mekase.
 2. Çdo sure e cila e ka fjalën “KEL-LA” (Kurrsesi jo) është sure Mekase.
 - Fjala “KEL-LA” (Kurrsesi jo) është përsëritur 33 herë.
 3. Çdo sure e cila ka ajetet “JA EJ-JUHEN-NAS” (O ju njerëz) është sure mekase.
 - Përfshirë bën vetëm sureja “Haxh”.
 4. Çdo sure e cila rrëfen për pejgamberët është sure Mekase.
 - Përfshirë bën vetëm sureja “Bekare”.
 5. Çdo sure e cila rrëfen për Ademin a.s. dhe Iblisin është sure Mekase.
 - Përfshirë bën vetëm sureja Bekare.
- Çdo sure e cila fillon me shkronja të cilat janë simbole të sures (p.sh. ELIF LAM MIM) është sure Mekase.

Sure Mekase quhen suret të cilat kanë zbritur në Meke para hixhretit.

Suret e Mekës kryesisht janë të shkurtra për këtë arsye edhe në Meke kanë arritur të zbrihen 82 sure.

Për 12 sure dijetarët kanë dhënë mendime të ndryshme, sepse Muhemedit a.s. i kanë zbritur sure edhe në udhëtim siç është rasti i suretul ENFAL, suretu FET-H, suretul-HAXH.

Pyetje:

1. *Cilat janë veçantitë e sureve dhe ajeteve Mekase?*

SURET MEDINASE TË KUR'ANIT

Sure Medinase quhen suret të cilat kanë zbritur në Medine pas hixhretit.

Edhe suret Medinase i kanë veçantitë, e ato janë:

1. Çdo sure e cila tregon farzet është Medinase.
2. Çdo sure e cila tregon për munafikët është Medinase.
3. Çdo sure e cila polemizon dhe diskuton me pasuesit e librit (EHLIL-KITABËT) është Medinase.

Pra nga këto veçanti kuptojmë se në suret Medinase rrahen tematikat të cilat vijnë:

- Farzet e Allahut në Ibadete.
- Farzet e Allahut në veprimet e jetës së përditshme, si:
 - *Rregullat e familjes*
 - *Trashëgimia*
 - *Lidhjet farefisnore*
 - *Të drejtat shoqërore*
 - *Vlerat e xhihadit etj.*
- Komunikimi dhe dialogu me krishterët, katolikët, jehuditë dhe thirrja në Islam për t'u treguar atyre deformimet të cilat i kanë bërë në librat e tyre.
- Zbulimi i dyfytërëshave-munafikëve të cilët e kanë pranuar islamin jo me sinqeritet, por e kanë pranua islamin sipërfaqësisht, vetëm e vetëm për të njollosur dhe shpifur për të. Ndërsa Kur'ani tregon rrezikun e tyre dhe format dhe mënyrat si të dallohen dhe si të ruhen prej tyre.
- Suret e Medinës janë kryesisht të gjata dhe janë 20 sure.
- 12 sure kanë zbritur ndërkaq edhe në Meke edhe në Medine.

Pyetje:

1. Cilat janë veçantitë e sureve dhe të ajeteve Medinase?

SURET DHE AJETET E PARA

Është e vërtetë se ajetet e para të cilat kanë zbritur janë pesë ajetet e para të suretul **Alek**:

**IKRE BISMI RABIKEL LEDHI HALEK.
HALEKAL INSANE MIN ALEK.
IKREË VE RABUKEL EKREM.
EL-LEDHI AL-LEME BIL KALEM.
AL-LEMEL INSANE MA LEM JEALEM.
(EL-ALEK, 1-5)**

Pastaj prej ajeteve të para janë edhe pesë ajetet e para të suretul **Mudethir**:

**JA EJJUHEL MUDETHIR.
KUM FE ENDHIR.
VE RABEKE FE KEBBIR.
VE THIJABEKE FE TAH-HIR.
VE RRUXHZE FEHXHUR.
(EL-MUDETHIR, 1-5)**

Po ashtu edhe suretul **FATIHA** është sureja e parë e Kur'anit e cila ka zbritur si sure e plotë, menjëherë e pa ndërprerje, dhe është e vendosur në fillim të Mus'hafit.

Bismilahirrahmani rrahim është në fillim të çdo sure (përpos në suretu Tevbe). Kur i ka zbritur Muhamedit a.s. ky ajet dhe është urdhëruar ta vendosë në fillim të sures, atëherë Muhamedi a.s. e ka kuptuar se ajo sure është plotësuar dhe ka përfunduar.

SURET DHE AJETET E FUNDIT

Pas njëzet e tre viteve të zbritjes së Kur'anit, Muhamedit a.s. dhe muslimanëve në Haxhin Lamtumirës u zbret ajeti Kur'anor:

“Sot përsosa për ju fenë tuaj, plotësova ndaj jush dhuntinë Time, zgjodha për ju Islamin fe ...”. (EL-MAIDE, 3)

Nga ky ajet është kuptuar se Kur'ani është kompletuar dhe është afruar përfundimi i zbritjes së tij. Pra, prej ajeteve të fundit të zbritjes së Kur'anit është ky ajet, ndërsa si sure e plotë e fundit është sureja **FET-H** (sureja e çlirimit):

**IDHA XHAE NESRULLAHI VEL FET-H.
VE REEJTEN-NASE JED'HULUNE FI DINILAH I EFVAXHA.
FE SEBIH BI HAMD I RABIK E VES-TEGFIRH IN-NEHU KANE
TEVABA.**
(EL FET-H, 1-3)

Pyetje:

1. Cilat janë ajetet e para të cilat i kanë zbritur Muhamedit a.s.?
2. Cila është sureja e parë e plotë e cila është zbritur?
3. Çka ka kuptuar Muhamedi a.s. kur i ka zbritur ajeti “Bismilahirrahmanirrahim?”
4. Trego një ajet prej ajeteve të fundit i cili i është zbritur Muhamedit a.s. si përfundim i shpalljes?
5. Cila është sureja e fundit e cila i ka zbritur Muhamedit a.s.?

MREKULLIA E KUR'ANIT

Mrekullitë mbinatyrore ndahen në dy lloje:

- 1. Mrekullitë shqisore, siç janë: të pamurit, të prekurit etj.**
- 2. Mrekullitë logjike.**

Prej mrekullive shqisore janë: Shkopi i Musait a.s., shërimi i të verbërve prej Isat a.s. dhe Deveja e Salihut a.s.

Prej mrekullive logjike është Kur'ani i cili është mrekulli deri në ditën e Kijametiti.

Kur'ani është mrekulli logjike, për t'i përmendur mrekullitë e Kur'anit nuk mjafton edhe po të shkruanin të gjitha lapsat e botës, por edhe sikur të ishin lapsa të gjitha lisat e botës, po edhe sikur të ishin të gjitha detërat e botës ngjyrë. Por ne vetëm do t'i ndajmë muëxhizet e Kur'anit si vijon:

- 1. Mrekullia gjuhësore e Kur'anit.**
- 2. Mrekullia e gjërave sekrete të Kur'anit (të botës tjetër).**
- 3. Mrekullia juridike e Kur'anit dhe**
- 4. Mrekullia shkencore e Kur'anit.**

Pyetje:

- 1. Si ndahen mrekullitë mbinatyrore?*
- 2. Trego shembuj të mrekullive mbinatyrore shqisore?*
- 3. Trego për mrekullitë e Kur'anit?*

PREJ HADITHEVE TË MUHAMEDIT A.S. PËR KUR'ANIN

Muhamedi a.s. ka thënë:

“Lexoni Kur'anin se vërtet ai do t'i bëjë shefaat në ditë e kijametit lexuesit të tij”. (MUSLIMI)

Ai i cili e lexon Kur'anin ka shpërblim të shumëfishtë, ai është më i miri, pse gjuha e tij e pastër e lexon fjalën e Zotit. Për këtë thotë Muhamedi a.s.:

“Më i miri prej jush është ai i cili mëson Kur'anin dhe ua mëson të tjerëve”. (BUHARIU)

Ai i cili e këndon Kur'anin me përkujdesje, me precizitet, ka shkallë të lartë, mirëpo edhe ai i cili mundohet të lexojë me precizitet shpërblehet.

Në një hadith thotë Muhamedi a.s.:

“Ai i cili e këndon Kur'anin me shkathtësi dhe precizitet, ai do të jetë me melaqet e dalluara fisnike, ndërsa ai i cili e këndon Kur'anin dhe angazhohet ta këndojë mirë dhe gjen vështirësi do të shpërblehet”. (MUTEFIKUN ALEJHI)

DUA

*O Zoti im! Krijues i qiejve dhe tokës, Ty të takon lavdërimi dhe
madhërimi.*

Gjithmonë të lutem o Allah,

*O bamirës absolut me madhërinë Tëndë, Ndriçues i çdo
çështje:*

*me dritën e librit Tënd ndriçojë shikimin tim, me dritën e librit
Tënd pastroje zemrën time, me dritën e librit Tënd zgjeroje
kraharorin tim,*

*me dritën e librit Tënd pastroje dhe ndriçojë trupin tim. Përpos
Teje askush nuk mund të më drejtojë në drejtësi. Drejtësinë në
mua e sjell vetëm Ti.*

*Nuk ka fuqi as forcë që mund të ndryshojë diçka përpos
Allahut i Cili është i Lartë e i Madhërishëm.*

KUR'ANI

Kur'ani përbëhet prej	30	xhuzave
Kur'ani përbëhet prej	120	hizbave
Kur'ani përbëhet prej	114	sureve
Kur'ani përbëhet prej	6236	ajeteve
Kur'ani përbëhet prej	77439	fjalëve
Kur'ani përbëhet prej	340740	shkronjave

Pyetje:

1. *Prej sa xhuzave përbëhet Kur'ani?*
2. *Prej sa hizbave përbëhet Kur'ani?*
3. *Prej sa sureve përbëhet Kur'ani?*
4. *Prej sa ajeteve përbëhet Kur'ani?*
5. *Prej sa fjalëve përbëhet Kur'ani?*
6. *Prej sa shkronjave përbëhet Kur'ani?*

Përmbajtja

Hyrje.....	6
KAPITULLI I PARË	7
TEVRATI.....	8
TEVRATI I SOTËM.....	9
ZEBURI.....	10
INXHILI.....	11
BIBLA SOT.....	13
SUHUFET	14
KAPITULLI I DYTË	15
KUR’ANI	16
EMRAT E KUR’ANIT	17
CILËSITË E KUR’ANIT	19
ZBRITJA E KUR’ANIT PJESE-PJESE	21
VAHJI – FRYMËZIMI	22
SURET E KUR’ANIT.....	23
AJETET E KUR’ANIT	24
TEMAT E KUR’ANIT.....	25
QËLLIMI I ZBRITJES SË KUR’ANIT	26
PËRMBLEDHJA E KUR’ANIT	27
SURET MEKASE TË KUR’ANIT	28
SURET MEDINASE TË KUR’ANIT	29
SURET DHE AJETET E PARA	30
SURET DHE AJETET E FUNDIT	31
MREKULLIA E KUR’ANIT	32
PREJ HADITHEVE TË MUHAMEDIT A.S. PËR KUR’ANIN	33
DUA’	34
KUR’ANI (statistika)	35